

Hubmaier, Balthasar,

Ain Sum[m] ains gantzen Christenlichen lebens durch Baldasarem Frydberger .
.. verzeichnet an die drey Kirchen Regenspurg, Ingoldstat (sonderlich ain
bericht, den Kinder tauff,und das Nachtmal belangent)

[Augsburg] 1525

Res/4 Polem. 3361,42

urn:nbn:de:bvb:12-bsb11164220-9

VD16 H 5648

* Res. 4 *
* Polem *
* 3361 *
* 42 *

40

Polem. 336i (42)

Hubmayer
~~Friedberger~~

Waller 3405


Engelburg

[Friedberger]



Ein Sum̃ ains

gantzen Christenlichen lebens /
Durch Baldasaren Frydberger
Predicant / vtz zu Waldshütt
verzeichnet / an die drey Kirchē
Regēspurg Ingoldstat vñ
Fridberg / seynen lieb-
en herren / Briedern
vnd schwestern
in gott dem
herren.



Sonderlich ain bericht den kind-
er Louff / Vnd das Nachttmal
belangent. AD D T E M.



Grad vnd frid in Christo Jesu vnserem
ainigen hayland. Ersam Fürsichttig vñ
günstig herrn/ Auch meyn vnderthenig
fleyssig dyenst/ Füroran/ Lieben herrn
vnd brüder/ Ich bekenn offentlich/ das ich in den hi-
mel vnd yn Gott gesündet hab/ nit allayn mit meyn-
nem sündigen leben/ so ich in aller hochfart/ hürerey
vnd weltlicher yppigkayt bey euch geführt/ wider der
leer Christi. Sonder auch mit falscher/ vngründter/
vnd gotloser leer/ mit welcher ich euch vnderwysen/
gespeysset vnd gewaydet/ ausserhalb des wort gotes/
vnd sonderlich/ als ich noch wol ingedenck byn/ das
ich vil vnnützen tanndt von dem Kinder tauff/ Dy-
gilien/ Gartägen/ Hegfeür/ Messen/ Gögen/ glog-
ken/ leüten/ orgelen/ pseyffen/ ablaß/ Kirchfartē/ brü-
derschafften/ von opfferen/ syngen vnd brumlen ge-
sagt hab / Ne doch so darff ich mich beryemen mit
Paulo in der warhayt/ das ichs vnwissend gethon/
die Rorhür vñ Babylonien mit iren schül leeren/ ge-
sagen vnd fabelwerck/ hatt mich betrogen/ Aber ich
hab Got gebetten/ der hat mirs alls verzygen/ Der-
halb lieben Herrn vnd brüder seind gewarnet/ vñ er-
manet/ das jr füran selbs die Propheten vnd Predi-
canten probierend vnd erkündigend/ ob sy eüch mit
Gottes leer vorgangen/ oder nitt/ Ergründend die
gschriefften/ die werden von Christo vnd von ainem
Christenlichen leben zeücknuß geben/ Thünd wie die
Thessalonicker. Act. am 17. cap. so mögt ir nit fälen
oder versürt werden/ vnd ob gleych eüwer pfarrher
vnd predicanten sich er bieten/ Ire seelen für eüch zu
verseren/ Ist es doch nit gnüg/ noch eüch dardurch
geholfen/ dan Christus spricht/ Wo ain blinder den
A. ij andern

andernfürt / fallen sy bayd yn ain grüben / wer ayn
klain ding / das d' pfarrer allayn fiele. Es werdñ in d'
crafft des worts Christi / auch die schäpñ mitfallen.

In Summa.

¶ Zum ersten / Christus / do er leeret ain Christen-
lichs leben / Sagt er / Enderend oder besserend ewer
leben / vnd glaubend dem Euangelio / Nun zu der
enndung des lebens gehört / das wyr yn vnns selbs
gangen / vnd erynneren vns vnser ihons vnnd laß-
sens / so besynden wir / das wyr thond wider Gott /
vnd lassen / das er vns hat beuolhen / Ja wir besyn-
den kayn gundthayt in vns / sonder gyfft / verwun-
dung vnd alle vnreinigkayt / die vns von anfang an
hangt / wir seynd darinn empfangen vnd geboren /
Also beclagt sich Job / David / Hieremias / Joan-
nes vnd ander gotselig menschen / Nun vber das be-
synde der mensch in im auch weder hylff / trost oder
ergney / darmit er im selbs helfen möge / darumb so
muß er an im selbs verzweyflen vnnd verzagen / wie
der mensch / so do war in die morder eingefallen / Al-
so ain ellennd dyng ist es vmb ayn menschen / der sich
selbs hinderdenckt vnd erkennet.

¶ Für das ander / So muß der Samaritan kom-
men / das ist Cristus / der bringt mit im ergney / näm-
lich wein vnd öl / vnd geüsts dem sündler in die wun-
den / Wein / er gibt dem menschen ain rewen / das im
seyn sünd layd seyen / vnnd öl / mitt welchem er den
schmerzen vertreybt vnd miltert / vnd spricht / Glau-
bend dem Euangelio / das klarlich anzaygt / das ich
der arzt sey / der kómen ist in dise welt / den sündler ge-
recht vnd fromb zemachen / Das Euangelium leert
auch / das ich bin der ainig gnädiger / versóner / für-
bitter

bitter/ mitlet/ vnnnd fridmacher gegen Got vnserm
vatter /wer in mich glaubt/ der würt nit verdampft/
sonder hatt das ewig leben/ durch solliche trostwort
würt der sündler widerum erlickt/ kombt zu im selbs
würt frölich/ vnd ergibt sich füran an den arzt/ also
das er im all sein krankhait beuillet/ haimsetzt/ ver
trawet/ will sich auch/ als vil ainem verwünten müg
lich/ in seinen willen ergeben/ vnd rüfft in an vmb ge
sundtmachung / darmit was der verwundt auß ay
gem vermögen nit vermag/ das im der arzt radte/
helffe vnd fürdere/ darmit er seynem wort vnnnd be
velch volgen möge/ Nun die leeren all/ so die krank
hayt anzaygen/ oder auff den arzt weisen/ ee vnd sy
glaubt werden/ seind sy ain büchstab vnd tödtend/
aber im glauben / macht sy der gayst Gottes leben
dig/ das sy anfahe leben/ grünen vnd frucht bring
en/ also würt das wasser im glauben zu wein auff d
hochzeit/ vñ muß mā zuvor den rauhe rock Joānis
anlegen/ ee vnd man das waich/ lind vnd senffemü
tig lembelin Christum Jesum möge vberkommen/
Vñ yetz ergibt sich der mensch inwendig im hertzen
vnd fürsaz/ in ain neu leben/ nach der regel vnd leer/
Christi des arzts/ der in hat gesund gemacht/ vnnnd
von dem er hatt/ das leben/ Also bekennet Paulus of
fentlich/ das er nit lebe/ sonder Christus lebe in ym/
der selb sey in im das leben/ vnd außserhalb des Chri
sti/ bekennet er sich vnnnd seyne werck/ eytel/ zenichtig
vnd ain vnsäligen sündler.

¶ Zum dritten/ Nach dem vnd nun sich der mensch
inwendig vnd im glauben/ in ain neu leben ergeben
hat/ bezeügt er auch das außwendig/ offentlich vor d
Christenlichen kirchen/ in dero gmeinschaft er sich

lasset verzeichnen/ vnnnd einschreyben/ nach der ord-
nung vñ einsetzung Christi/ Gibt derhalb der Chri-
stenlichen Eyrchen/ das ist/ allen schwestern vnd brü-
dern/ die da leben im glauben/ in Christo/ zu erken-
nen/ das er dermassen im wort Christi inwendig ver-
richtet/ vnd gesynet seye/ das er sich schon ergeben
hab/ nach dem wort/ willen vnd regel Christi/ füran
zeleben/ sein thon vnd lassen/ nach im schlichten vnd
richten/ auch vnder seinem senlin kempfen vnd strey-
ten biß in den tod/ vñ lasset sich tauffen mit dem auß-
wendigen wasser/ in welchem er offentlich bezeüget/
seinen glauben vnd fürnehmen/ Nemlich das er glau-
be/ das er ain gnädigen/ gütigen vnd barmherzigen
Got vnd vatter habe im himel/ durch Jesum Chri-
stum/ mit dem sey er wol daran/ vnnnd züfrideu/ Er
hab im auch fürgesetzt/ vnd sich inwendig schon ver-
pflicht/ das er füran seyn leben enndern vnd bessern
welle/ Er bezeüge auch solchs offentlich mit der ent-
pfahung des wassers/ Ober füran mit offentlichen
vnd ergerlichen sünden den glauben vñ namen Chri-
sti beschwertzen oder tadeln wurde/ das er sich hie-
mit verpflichte vnd ergebe in brüderliche straff nach
der ordnung Christi. Matth. 18.

¶ Zum vierten/ Die weyl aber der mēsch wayßt vñ
bekennt/ das er von natur ain böser/ wurmstichiger
vnd vergiffter baum ist/ vnd kan noch mag auß ym
selbs Eayn güte frucht bringen/ geschicht derhalb dy-
se pflicht/ züsagung vñ offentliche zeugnuß/ nit auß
menschlichen krefftē oder vermögen/ dan das wer
ain vermüttung oder menschliche vermessenhayt/
sonder in dem namen Gottes patters vnd sons vnd
des hailigen gaysts/ Oder in dem namen unsers her-
ren

ren Jesu Christi/dz ist/in der gnad vñ krafft Gotes/
dā es ist als nun ain krafft / auß dem allē eruolget/
das der außwendig tauft Christi nichts anders ist/
dann ain offentliche zeugtnuß der inwendigen pflich-
ten/ mit der sich der mensch bezeugt vñd vor meng-
lich sich anzaygt/das er sey ain sündler/gibt sich deß
selben schuldig/ doch darbey glaub er gänglich/das
Christus im sein sünd durch seinen tod verzigē hab/
vñd durch seyn vñsteend in fromb gemacht/ vor dem
angesicht Gotes/vñnsers himelischen vatters/ Der
halb hab er schon bewilligt für hin den glauben vñd
namen Jesu Christi vor menglich/vñnd offentlich
zū bekennen/habe sich auch verpflichtet vñd im fürge-
setzt/nach dem wort vñd beuelch Chrysti für an ze-
ben/aber das nit auß menschlichem vermögen/dar-
mit im nit beschehe wie Petro/dann on mich mögt
ir nichts thūn/spricht Christus /sonder in der krafft
Gotes vatters vñd deß sons vñ deß hailigen gaists/
Nitz bricht der mensch auß/im wort vñ werck/ver-
kündet vñd macht groß den namen vñd lob Christi/
darmit auch ander durch vns haylig vñd selig wer-
den/wie wyr durch ander/die vns Christum vorge-
predigt /auch seynd zūm glauben komen/auff das/
das reych Christi gemeert werde.

Die volgt/veruolgung/das creüß/vñd alle trüb-
seligkayt/von deß Euangelions wegen in der welt/
die dā hasset das liecht vñd leben/vñd hatt lieb die
finsternuß/Die welt will nit ain übelthätterin seyn/
sonder fromb vñ gerecht in aygnen wercken/macht
ir selbs sagung vñd regel /dardurch sy vermaynt sã-
lig zū werden/verachtet die vnanschenlichen schlech-
ten/ainfeltigen regel Christi/Die springt herfür der
alt adā

alt Adam / das ist / die vergifft natur / wie wir seyen
in mütter leyb entpfangen vnd geboren / der selb las-
set sein althüch nit / er reget die oren / er braucht seyn
angeborene art / vnd widerstrebt dem gayst ym men-
schen / das er nit thüdt / was er wille / nach dem wort
Gottes / da solle das flaysch getödt werden / vnd wil
aber es nun leben vnd regieren / nach seynen lüsten /
Wie liget ob vnd syget der gayst Christi vnd bringt
der mensch güt fruchten / die nun zeügnuß gebend
ains güten baums / vnd yebt sich tag vnd nacht / yn
allem dem / so das lob Gottes antrifft / vnd brüder-
liche liebe.

Das ist ain summ vñ rechte ordnung ains gantz-
zen Christenlichen lebens. Das do anfahet im wort
Gotes / darauff eruolgt erkantnuß der sünden vnd
verzeyhung der selben im glauben / Der glaub geet
nit müßig / sonder ist arbeitsam in allen güten Chri-
stenlichen werckē / Das seind aber allain güte / werck /
die Got selbs vns gehayssen hat / vnd vñ die er rech-
nung eruordern wirt / am jüngsten tag. Math. 26. c.

Zum fünfften / Nach dem wir nun in dem glau-
ben auß dem wort Gottes / hell vnd clar erkennt ha-
ben / die vberschäglichen / vnaussprechenliche güthait
gotes / sollen wir daruñ danckbar sein / Got vnserem
hymelischen vatter / welcher ye die welt also ynbrün-
stiglich geliebt hat / das er seines aingebornē Sons
nit verschonet / sonder dē für vns dar gestreckt biß in
tod / Ja in den tod des aller schendlichsten creüges /
darmit wyr selig wurden / Hatt demnach Christus
Ihesus vnser hayland selbs / ain schöne gedächnuß
geordnet vnd eingesetzt / in seynem letzten nachtmal /
auff das wir sein nit vergessen / Dann als er vnd sey-
ne jünger

Jünger mit ainander assen/nam er das brott vnn
saget wol/vnd sprach/ Nement vnd essend/ Das ist
mein leyb/der für euch geben würdt/das thünd inn
meyner gedächtnuß/ Dergleych name er das drinck
geschir/vnn gab yn allen zü trincken/vnn saget/
Nement vnd trinckend/ Das ist meyn blüt/das für
euch vergossen würt/zü verzeyhung der sünden/das
thünd in meynner gedächtnuß. Die sy her menglich
das brot/brot ist/vnd wein/wein/wie ander brot vñ
wein/aber doch also eingesetzt/von Christo/Zü ain
ermanung vnn widergedächtnuß/ Als oft wir
das brot mit aynander brechen/aufthaylen vnd es
sen/das wyr sollen seyns gebrochen leybs für vns
an dem creütz/vñ außgethaylt/allen denen/so in es
sen vñ nyessen im glaubē/yngedenck seyn/da greyfft
man augenscheynlich/das das brot nitt ist der leyb
Christi/sonder allayn ain ermanung desselben/ Des
gleych ist der wein nit das blüt Christi/sonder auch
ain gedächtnuß/das er sein blüt vergossen/vnd auß
thailt hab am creütz/allen glaubigen/zü abwäschung
irer sünden/wie auch der rayff vor dem wirtzhauß/
nit weyn ist/sonder ain gedächtnuß desselben/ Der
güthayten sollen wyr billich ingedenck seyn/vnd nit
vergessen/sonder die verkünden/außschreyen/vnn
darumb danckbar sein in die ewigkait/ Des ermanet
vns Paulus gar ernstlich/do er schreybt zü den Co
rinthern. 1 Corinth. 11. cap. Als oft ir essend das
brot (merckend/er nemmers brot/vnd ist brot) vnn
ir trinckend das trinckgeschir/das ist den wein. (mer
ckend/es ist weyn/ds man trinckt) sollen ir des her
ren tod verkünden/bis er kômte/ Merckend/er sprichet
Bis er kômte/ So hörend wir wol das er nit da ist/
B i sonder

sonder er würdt erst kommen zu der stund des jüng-
sten gerichtes / in seynen grossen mayestect vnd herly-
keit / offentlich / wie der blitz von Orient / biß gen Oc-
cident scheynende.

E Hieraus eruolget vnd würdt grundtlich erlernet /
das das nachtmal nichts anders ist / dan ain wider-
gedächtnuß des leydens Christi / der sein leyb von vn-
ser wegen dar gestreckt / vnd seyn rosenfarb blüt am
creütz vergossen / zu abwäschung vnserer sünden / Auf
dysen nachtmal habn wir bißher ain bern mose ge-
macht / die sach mit mümlen vñ brümlen außgericht /
vnd die selben vmb groß güte vnd gelt verkauft / vnd
woltens füran noch gern thün / das es got klagt sey /
Welcher mensch nu das nachtmal Christi dermassen
begeet / vnd betracht das leyden Christi / in ainem ve-
sten glauben / der selb würdt auch Got vmb dyse ge-
nad vñd güthayt danck sagen / sich in den willen
Christi ergeben / der dan ist / wie er vns gethon hab /
das wir auch also vnserem nächsten thün sollen / vnd
vnser leyb / leben / güte vnd blüt von desselben wegen
dar spannen / das ist der wil Christi / vnd die weyl vns
solchs abermals vnmüglich ist / sollen wir zu got ruf-
fen emffiglich vmb gnad vnd krafft / das er vns die
mitteyle / auff das wir also seinen willen verbringen
mögen / dan wo er nit gnad gibt / so ist es vmb vns
schon verloren / wir seind menschen vnd waren men-
schen / vnd werden menschen / byß in den tod bliben /

E O lieben herin / freünd vnd brüder / nemendtz zu
herzen / woz ich eüch gesagt hab / vnd drachtent nach
dem hellen / claren / luterem wort Christi / daruß al-
lein eüch / der glaub kumbt / in dem wir miessen selig
werden / dan die Axt ist an die wurzel des bohs ge-
stellt / ist

steht/ist nichts verhanden/dan̄ dz er abgehauen wer
de. Ich sag euch fürwar/ Fürchtendt ir den reysen
hie zeitlich/ Es wirdt der schne ewiger Ecken vff euch
fallen/ Fürchtendt ir die Ecken/ Ir werdet gar in dz
feur fallen /dan̄ Christus sagt mit heyttern Worten/
Welcher mich bekennt vor den mēschen/den wil ich be
kennen vor gott meinem vatter/welcher mich verleü
gnet vor den menschen /des will ich vo: gott verleü
gen/süchtent nit die /so euch den lib (der mer ist dan̄
das güt) nemen mögen/sond̄ süchtent den/der euch
lib vnd seel nemen mag vnd werffen in die ewigen
verdammnis/ wer oren hab/der here/das hört vn̄
streng vteyl gotes/über die /stillschweiger vnd
verleügn̄er seins worts/wer nit hören will
den erleucht vn̄ser her: Got Amen. Nie
mit seind got beuolhē/ Gebē zu walds
hüt Samstag nach Petri vnd
Pauli. Anno rc m xxv.

B ij



1. Die erste Art der ...
 2. Die zweite Art der ...
 3. Die dritte Art der ...
 4. Die vierte Art der ...
 5. Die fünfte Art der ...
 6. Die sechste Art der ...
 7. Die siebente Art der ...
 8. Die achte Art der ...
 9. Die neunte Art der ...
 10. Die zehnte Art der ...

甲戌

